

տայք . ասացին 500 քսակ , որպէս խոստացան ծերունիքն , եթէ գործն կատարեալ վերջացի : Քեահէայն ասէ , ոչ ապաքէն ասացի թէ խաղալիք են գործք ձեր , զի զ500 քսակն վասն եղեալ իրաց խոստացայք , այլ վասն Բեթղէհէմի և Աստուածածնի զի՞նչ ունիք տալ , եւ պահանջէր 750 քսակ , եւ Հրեայ Սողոմոնն էր միջնորդ , զի ծանօթ իմ ասէր Պատրիարքին և գրեմ առ նա , զի եթէ ոչ հաճեսցի , ես հատուցից փոխան նորա , միայն գործք ձեր կատարեսցին : Իսկ վարդապետք ոչ կարէին խոստանալ աւելի քան զոր խոստացեալ էին ծերունիքն , և Սարգիս վարդապետ պարզութեամբ ասէ՝ միայն 50 քսակ աւելի խոստանալոյ ունիմք հրաման , վասն որոյ տամք 550 քսակ , և ոչ աւելի . երկարեցան բանք 'ի վերայ այսր իբրեւ ժամ մի մերթ սիրով և մերթ բարկութեամբ : Տեսեալ վարդապետաց թէ չիք ազատութիւն , ասեն , ահն ունէաք 'ի շնորհս ձեր լինել իրաւախոհ ընդ Յունաց , այլ բաց 'ի քսակաց զայլ ինչ ոչ լսեմք , զի՞նչ ունիք տալ մեզ , որ այսքան քսակս պահանջէք , Ասեն՝ ըստ մտաց հրովարտակին զբանալի հիւսիսային դրան Բեթղէհէմի , և զբաժանորդութիւն ուխտի Այրին , եւ գերեզմանի Աստուածածնի ընդ Յունաց : Ասացին , Դատաւորն երուսաղէմի առաւել քան զդոսա խոստացաւ տալ մեզ , այլ մեք ոչ առաք յանձն , զի առանց ծանրութեան պարտ է կատարել մեզ զօրէնս և ունել պատկերս և կանթեզս ընկերութեամբ Յունաց . զարմանք են՝ զի հրովարտակք երկուց ազգաց 'ի մի միտս 'ի մի թուականի եւ 'ի մի յԱրքայէ գրեալ և տուեալ են , ընդէ՞ր ունիցին Յոյնք զամենայնն , և զրկեսցին Հայք , և ո՞ւր են իրաւունք բաժանորդութեան , երկարատեւ դատաստանն և հրաման Արքայի : Քեահէայն ասէ՝ զի՞նչ ասէք , ո՞վ յիմարք՝ հայեցարուք 'ի տուրս և 'ի պահանջս ձեր : Ասացին՝ Հայք ոչ կարեն տոկալ պահանջից ձերոց , և Արքայն ոչ ետ ահն ընչից մերոց , այլ արդարութեամբ լուաւ զդատատոտանս մեր և հաճութեամբ երկուց ազգաց ետ հրովարտակ . եթէ յօժարիք խնամով 'ի գործադրութիւն նորին , պատրաստ եմք ճանաչել զպարտաւորութիւնս մեր , ապա թէ ոչ՝ ողջ լիցի թագաւորն , և 'ի սաստկանալ բանից՝ խոժորեալ Քեահէայն ասէ՝ ի դիցուք